

明倫彙編 家範典 卷之三

忠孝節義 忠孝節義 忠孝節義

忠孝節義

忠孝節義 忠孝節義 忠孝節義

忠孝節義 忠孝節義 忠孝節義

忠孝節義 忠孝節義 忠孝節義

忠孝節義 忠孝節義 忠孝節義

忠孝節義 忠孝節義 忠孝節義

忠孝節義 忠孝節義 忠孝節義

忠孝節義 忠孝節義 忠孝節義

忠孝節義 忠孝節義 忠孝節義

引簡錄卷一百三十二

明刑部員外郎仁和弘齋邵經邦學

皇清翰林院侍講學士四世孫遠平校閱

載記一金諸將二

蒲察世傑

字木魯定方

夾古胡刺

夾谷清臣

完顏安國

瑤里字迭

烏古孫兀屯

抹撚史挖搭

完顏弼

郭仲元

弟阿璚

完顏霆

包長壽

梁佐

李齡佐

紇石烈牙吾塔

古里甲石倫

粘葛全周
蘇椿附

蒲察世傑本名阿撒曷速館幹篤河人徙遼陽初隸宗弼軍中
家貧多力每與武士角賭羊輒勝之能以拳擊折四歲牛脅而
死有糧車陷淖中七牛挽不能出雙手挽出之東京留守宗敏
召置左右海陵篡以為護衛語之曰汝勇力絕倫我兄弟有異

志者期以十日除之。則有非常之賞。仍盡以各人家產賜汝。諾而不行。已過十日。召見大怒。面責之。答曰。臣自誓不以非道害物。雖死不敢奉詔。然愛其勇。亦不之罪。會將伐宋。遣往曷懶籍。兵他使者惟恐不及。得數恆多。世傑所籍數少。因恠問之。對曰。曷懶地接高麗。今若多籍其丁。卽有緩急。何以爲備。海陵喜曰。他人用心。不能及也。除安國軍節度同知。賜銀絹綵帛并馬二疋。到官月餘。會郡闕。長吏徵發不已。民不堪命。犯法者衆。獄囚積四百餘。決遣畧盡。入爲宿直將軍。以事往胡里改路。還奏契丹部族皆叛。百姓驚擾不安。今舉國南伐。賊若乘虛入據東土根本之地。雖得江淮。將何所益。宜先討平契丹。南伐未晚。海陵不悅。曰。詔令已出。選將三萬兵屯中都。以北以鎮壓之。又奏若東土大族咸附於賊。恐三萬衆亦未易當。不聽。大軍渡淮。授鄭

州防禦使領武捷軍副總管合以軍三千護糧運東下敗宋舟師數千奪戰船甚衆至和州境擊走宋兵五萬明日使其子元迭領二百八十騎爲應兵自領八百騎前戰連射六十餘人皆應弦而斃宋兵遂潰海陵欲觀水戰使領水軍試演宋人舟大而多世傑舟小乃急進至中流取勝而還大定初復取陝州敗宋兵於石壕鎮又敗援兵三千遂圍陝州宋兵二千自潼關來援引兵二百四十迎擊射殺十餘人兵乃走復敗之於土壕山生擒一將還至斗門城遇宋兵萬餘其將三人挺槍來刺世傑以刀斷之而退復以四謀克軍敗宋兵於土華敵每見其環甲佩刀腰箭百隻持槍躍馬往來軍中嘆曰真神將也及再圍陝親選卒二百餘穴地以入拔其城再破宋軍三萬復虢州未幾爲衛州防禦使改河南路統軍都監召赴闕慰勞良久除西北

路副統賜廐馬弓矢佩刀從僕散忠義討平契丹改華州防禦使與徒單合喜經畧隴右復德順至東山堡宋兵捍絕樵路世傑擊走之追至城下城中出兵二萬來拒與丹州刺史赤盞胡速改敗之殺傷甚衆宋經畧使荆臯棄德順走又追破之遷通遠軍節度使有司執宋人入鞏州境糶米麵世傑署案作歸附人縱遣之譯吏蔡松壽告其罪坐貶十八年起爲弘州刺史母憂去職累遷亳州防禦使卒世傑疎財尙氣每臨陣敵衆旣敗必戒士卒毋縱殺掠平居非忠孝不言親賢樂善甚獲當世之譽

李术魯定方本名阿海內吉河人材勇絕倫海陵素聞其名天德初召授武義將軍充護衛數月轉十人長遷宿直將軍賜予甚厚尋爲殿前右衛將軍至左右副點檢世襲猛安出爲河南

尹彰德軍節度使伐宋以爲神勇軍都總管大定二年宋萬襲陷汝州殺刺史烏古孫麻發及漢軍二千河南統軍使宋尹遣定方將兵四千與夾谷清臣往取之行至襄城得敵虛實時汝州東南及北面皆山林險阻不可以騎軍戰宋兵乃由鵠路陽牒汝州屬縣可備糧草二十萬而密引兵趨鵠路絕其往來宋人聞之遂棄城遁去遣輕騎二百追至布祿義擊敗之遂復汝州授鳳翔尹宋人阻邊又行河南道軍馬副統率步騎六萬將由壽州進軍次亳州宋將李世輔陷宿州復從元帥志寧戰於城下時天大暑督戰馳突出入敵陣中數四渴甚因出陣下馬取水爲人所害年四十四上聞閔惜詔有司致祭賻銀絹重綵贈金紫光祿大夫

夾古胡刺上京宋葛屯猛安人初在左副元帥撻懶帳下有戰

功授武德將軍襲其父謀克正隆末山東盜起以爲行軍猛安
遇賊千五百人於徐州南敗之山東路統軍司益選諸軍八百
作十謀克命將之與驍騎軍皆隸點檢司行至淮南海陵遣以
騎兵三百二十往揚州敗宋兵千五百人於宣化鎮後從僕散
忠義伐宋命領萬戶兵由泗州進遇敵於宿州與戰歿于陣贈
鎮國上將軍

夾谷清臣本名阿不沙胡里改路桓篤人姿狀雄偉善騎射皇
統八年襲祖駿達猛安聞世宗卽位率本部軍六千赴中都
以功遷昭武大將軍爲元帥志寧管押萬戶接應左都監完顏思
敬逐窩幹餘黨敗之柔遠前至抹板里達之地悉擒之賊平遷
鎮國上將軍知穎順軍事大定三年五月從志寧復取宿州詔
在志寧傳捷聞授宿州防禦使移博州改西北路招討都監遷

爲古十壘部族節度使歷遷左右副都點檢因典禁兵日侍左右勤勞久著除爲陝西路統軍使兼知京兆府朝辭賜金帶廐馬諭以益思自勉二十六年改西京留守閔三歲遷樞密副使明昌元年立其女爲昭儀眷倚益重二年拜尙書左丞項之進平章政事封芮國公四年遷右丞相監脩國史時議簽軍戍邊上問漢人與夏人孰勇對曰漢人勇何昔元昊擾邊宋終不能制荅曰宋馭軍法不可得知今西南路人殊勝于彼未幾遷崇進改封戴國公人有以八陣圖來上者上問朕嘗觀宋白所集武經其載攻守之法亦多難行對曰兵書皆定法難以應變本朝行兵之術惟用正奇二軍臨敵制變以正爲奇以奇爲正故無往不克上曰自古用兵亦不出奇正二法耳且學古兵法如學奕碁未能自得於心而欲用舊陣勢以接敵亦已疎矣尋以

母老許賜告歸省五年二月省覲還謁上御凝和殿問卿母健否其壽幾何別相幾許對曰年八十三別十年幸頗強健上曰何不來此曰急於家務故不欲離耳上曰老人多如是復問胡里改路風俗何如對曰視舊則稍知禮貌而勇勁不及因言西南西北等路軍人其閑習弓矢亦非復曩時六年遷儀同三司進拜左丞相改封密國公受命禦邊行臨潢尙書省事遣人偵敵虛實以輕騎八千令宣徽使移刺敏爲都統完顏安國爲左右翼分領前隊自選精兵一萬以當後隊進至合勒河前隊敏等於栲栳灤攻下十四營回迎大軍屬部斜出掩其所獲羊馬資物以歸遣使獻捷以貪小利責其賄賂阻轍由此叛去大肆侵掠上加譴責代以右丞相襄承安五年降授橫海軍節度使兼滄州管内觀察使尋致仕泰和二年薨年七十一

猛安初議征討命主師事而措畫乖方遂致北邊不寧者數歲
天下尤之

完顏安國字正臣其先占籍上京世有戰功祖斜婆授西南路
世襲合札謀克安國性沉雅有謀畫尤善騎射正隆元年從軍
常以少擊衆大定中爲常山簿轉虹縣令遷克虞王府掾遷儀
鸞局副使明昌元年改本局使往使大石許其部長入脩歲貢
旣至率衆遠逝至帳望闕羅拜執禮無忒會阻鞞迫塞隣部欲
立功以誇雄上國議邀安國俱行辭以未奉詔強之不可怵以
危言亦不爲動衆壯其人餽噐如禮還以奉使稱旨升武衛軍
都指揮使以左衛將軍充西北路副招討從清臣出兵爲先鋒
都統適臨潢泰州屬部叛安國先討定之以功遷本路招討使
兼威遠軍節度使承安元年大鹽澤之戰殺獲甚衆詔賜金幣

既而丞相襄總大軍進爲兩路都統大捷於多泉子襄遣安國
追敵僉言糧道難繼不可行安國曰人得一羊可食十餘日不
如驅羊以襲之衆愧其言卽統所部萬人疾驅以薄之降其部
長捷聞進官四級遷左翼都統二年以營邊堡功授簽樞賜虎
符得便宜從事並降邊塞諸部諭使輸貢如初進拜樞密副使
於祖蔭上加授世襲西南路延晏河猛安泰和元年帝幸慶寧
宮特命嚴飭邊備奏乞招誘西南路邊戍私竄者以安人心上
是其言三年以疾致仕封道國公四年復起前職卒上聞輟朝
勅有司葬以執政禮贈特進凡在軍旅幾十五年號令嚴明指
麾卒伍如左右手又善伺知敵人虛實及山川險易戰必身先
士卒故所向輒克諸部入貢者能一一呼其祖先弟姪名字以
伸戒諭聞者震悚甚畏服之

瑤里孛迭北京路窩白猛安陀羅山謀克人自幼以軍功歷海濱令遷徐王府掾以稱職聞察廉升震武軍節度同知明昌初爲唐州刺史歷西北東北兩路招討副使六年正月北兵圍慶州急孛迭率本路軍往救敵解去州竟無患永安元年爲永州襄北伐先鋒副統進軍至龍駒河受圍得解尋授鎮寧軍節度使以六羣牧人叛改寧昌軍拜爲都統領步騎萬人次懿州敵數萬來逆戰兵勢甚張孛迭親督陣奮力鏖擊却之身中二創捷聞遷一官二年追敗乂軍千餘出沒剽掠錦懿間奪其所掠悉還本戶三年從宗浩爲左翼都統戰移密河骨堡子西殺獲甚衆五年授知廣寧府俄改東北路招討使捍邊有功賜詔褒諭遷崇義軍節度使泰和六年卒計聞遣官致祭賜銀五百兩贈金紫光祿大夫爲人勇決善戰任兵鎮十餘年所向克捷凡

再遷官賜金幣甚爲上倚注云

烏古孫兀屯上京路人大定末襲猛安明昌七年充萬戶備邊
有功除歸德軍節度副使改盤安軍察廉遷速頻路節度同知
以憂去起復歸德府治中遷唐州刺史泰和六年四月遇宋皇
甫斌步騎萬人來攻兀屯兵甚少遣泌陽尉白撒不巡檢蒲閑
各以五十人乘城拒守見宋兵在城東北者可破令軍事判官
撒虎帶引精兵百人自西門繞出營後掩擊之殺數百人宋兵
大亂夜乃遁去五月宋增兵數萬行省遣泌陽副巡檢納合軍
勝來救兀屯設伏城東北以待之三分騎兵一出一入以致宋
兵遂陷于淖伏兵發中衝爲二宋兵大潰追奔至湖陽斬首萬
級獲馬三百匹宋別將兵三千來襲殪之竹林寺軍勝手殺宋
將取其金帶印章以獻擢爲梁縣令遷兀屯河南府同知賞銀

絹重綵爲完顏匡右翼都統取棗賜宋兵五萬夾水而陣以强弩拒岸兀屯分兵奪其三橋自辰至午連拔十三柵遂克神馬坡從攻襄漢亂流徑度復進一階號平南虎威將軍宋人請和遷河南副統軍大安初進昌武軍節度使西南路招討使御下嚴酷軍士多亡杖謫上京留守同知三年將兵二萬入瀋中都累遷元帥左右都監兼北京留守有功賜金吐鶻并重綵轉元帥左監軍貞祐元年詔以兵萬六千人守定興軍敗戰沒抹燃史乞搭臨潢路人自勿襲其先世謀克守邊有勞泰和六年授蔡州防禦同知五月宋將李爽圍壽州田俊邁潛斬縣平章僕散揆遣與安國軍節度副使納蘭邦烈以精騎三千戍宿州諭以符離乃齊魯之蔽設若不守是無彭城而齊魯亦危至日俊邁果率步騎二萬來襲史乞搭逆擊大破之郭倬李汝翼

聞敗引衆五萬繼至圍其城兩軍相敵城中叢射敵不能逼會
淫雨敵露處勞倦邦烈乘之遣騎潛出敵後史挖搭突出蹂踐
殺傷數千人援軍又至敵遂夜遁二人躡其後黎明合擊大破
之遂獲俊邁擢爲驍騎將中軍副統十月從行省兵三萬出頴
壽克安豐軍戰霍丘花曆功居多十二月從攻和州中流矢卒
生平形不過中人而拳勇善鬪所用槍長二丈運轉如飛以智
創手箭長不盈握每出散置百數鎗中遇敵抽用以鞭揮之或
手指鉗取飛擲數矢齊發無有不中敵驚以爲神惟已能用之
雖子弟亦不傳其法在北部守厭山營敵尤畏之不敢近及死
將士皆惋惜之

完顏弼本名達吉不蓋州猛安人充護衛轉十人長從丞相襄
戍邊功最除德

禦同知武衛軍鈐轄轉宿直將軍深州刺

史泰和六年從完顏匡攻襄陽破雷太尉兵積功加平南盪江將軍母憂起復除南京副留守壽州防禦使大安二年入爲武衛軍副都指揮使遣領兵駐宣德會河之敗弼被創馬中流矢得押軍千戶夾谷王家奴馬而免俄遷右副都點檢至寧元年以禦遼東拜元帥左監軍請自募二萬人爲一軍京師有急可以回戈自救衛王怒曰我以東北路爲憂卿言京師有急何耶就如卿言我自有策以卿皇后連姻故相委寄乃不體朕意願提點近侍局駙馬徒單沒烈曰何不叱去有司論以奏對無人臣禮詔免死決杖降雲內州防禦使宣宗卽位驛召赴中都時雲內已受兵弼善馬稍與數騎突圍而出有詔除定武軍節度使尋爲元帥左都監駐真定條奏軍中五事一外兵日增軍無鬪志遇有逃歸自陳戰潰以希存恤收撫見聞習熟相勸成風

自今村寨城邑兵退之後有心力勇敢可使者方招用之二河朔郡縣皆以文自拘不相應救坐致殘破自今嚴督州府凡有告急卽須赴救違者坐之三河北軍器乞權宜弛禁仍令團結堡寨以備外兵四今雖議和萬一復來願速講防禦之策五勸遷都南京阻長淮拒大河扼潼關以自固宣宗從之以兼河北西路兵馬都總管車駕至真定奏言皇太子不可留中都恐軍少則難守軍多則難養又奏端州軍頗狡左丞盡忠多疑乞付他將言皆用之大名軍變殺蒲察阿里詔弼鎮撫之未幾改陝西路統軍使移文問宣撫副使京兆都總管烏古論朮州擅置秦州權場兗州曰近日入見許山外從宜行事秦州自宋兵焚蕩權場幾一年矣今旣安帖復宜開設彼此獲利朝議亦以對境天水軍移文來請苟利於民事之亦可三年改知東平府事